

歷代畫家詩文集

鴻寶應本  
(三)

臺灣學刊書局印行

# 鴻寶應本

(三)



# 歷代畫家詩文集

## 鴻寶應本

明崇禎十五年原刊本  
景印本精裝三冊

編纂者：明·倪元璐撰

出版者：臺灣學生書局

本書局登記證字號：行政院新聞局局版臺業字第一一〇〇號

發行人：馮愛羣

發行所：臺灣學生書局

臺北市羅斯福路三段二九八號  
郵政劃撥帳號二四六六號  
電話：三三四二五·三三四六七·三三〇七

定價新台幣八五〇元

中華民國五十九年六月景印初版  
中華民國六十八年四月再版

8300-9

版權所有·翻印必究

新學堂  
PDG

鴻寶應本卷之十一

明上虞猗元璐書

傳述類一

周來玉先生傳

公名宗建字季侯別號來玉蘇州吳江人○生有志槩○七八歲時嘗侍其父文林公○文林偶與客言楊忠愍事語未卒公遽起問求詳○文林因爲悉言忠愍忤鸞嵩及得罪以死狀○公拍掌大聲曰○是大好死○彼鸞嵩

安在哉○文林悚然驚異之○既爲文章名噪一罷弱冠  
舉于鄉○越八年而成進士○授武康令○有異政○調杭之  
仁和○品敏慈惠○民大戴之○嘗攝德清三邑之人○皆立  
祠○生祀公○尋以卓異徵○拜監察御史○時爲  
愍皇帝御極之元年○逆閹魏忠賢方用事○與  
上保姆容氏朋倚爲奸○然人猶以爲易與○云此壁鼠  
耳○無能爲也○公曰不然○虺已爲蛇○乘霧則不可制○會  
天雨雹○公上疏畧云○今四月爲盛夏○陽長之時○大雹

忽作○推之○人事○豈謂無因○近見朝廷處一二章奏外  
廷咸疑有物憑焉○臣卽不敢盡信而千人所指○如魏  
忠賢者○目不識丁○心存叵測○僭

皇上之震疊○以肆機鋒○假竊蔽煬○邪正顛倒○朝端之  
上壅蔽○將成○聲影之通○毒流何已○甚而巧立虛名○上  
無顧忌○離間起於蠅營○讒構生於長舌○其爲隱禍○大  
可寒心○疏上忠賢○恚甚會

上御經筵○講讀竟○忠賢睥目語閣臣○卽御史疏○千人

所指目不識丁此何語也時首輔爲葉公向高從容  
言是言官也豈當深咎忠賢意稍解尋又傳旨予重  
謫葉公又具揭力救獲免居久之  
上似心悟忽遣客氏出宮朝臣方相賀其明日復召  
入寵顧如初公又極諫請割小恩以慎大防凡千餘  
言語皆危至有詔奪俸三月然忠賢愈怒不涿陰與  
其黨戶科給事中郭鞏謀逐公時正入尚多在位鞏  
等并謀悉去之乃援進黨徒彈擊四出公患之曰羽

翼既成禍不遠矣。吾不惜死。因復上言。臣觀先朝汪直劉瑾其人雖皆梟獍。然幸言路清明。臣僚隔絕。故不久終敗。今乃有郭鞏者。結連膠合。取旨如寄。權璫之報復。反借言官以伸。言官之聲勢。反假中涓而重。數月以來。一片熊德陽。江秉謙。一片侯震陽。一片王紀滿朝薦。一去鄒元標。馮從吾。一逐文震孟。鄭鄮。近且欲厄孫慎行。盛以弘而棄之。摘瓜抱蔓。正人重足。舉朝各愛惜一死。無敢明言犯其鋒者。而忠賢且橫。



行愈甚奸謀愈深○臣若尚顧微軀○不爲攻擊○將內有  
進忠爲之指揮○旁有容氏爲之操縱○中有劉朝等爲  
之賣威○而外復有輩等從而蟻樹蠅集○內外交通○驅  
除善類○天下事尚忍言哉○因請誅忠賢輩等甚力○忠  
賢旣憤且懼○乃率羣璫環泣

上前至請自髡以激

上怒○遂得旨責公回話○公復申請不屈○傳旨廷杖八  
十○又以葉公力持返詔○改奪俸一年○于是公履尾不

至者再矣。人謂公君義形能見。雖更數月無語。未爲寒蟬也。公厲聲曰。卽日者遂成杖下。安得聞君是言乎。

上實生我。不敢不以死報。時聞忠賢欲使其徒劉朝等典兵行邊。議既定。需期發詔。公曰。俟詔旣發而爭之。晚矣。卽力陳內臣典兵有三不可。九害疏入。不報。然其事竟寢。已而奉使按楚。尋遭喪歸。當是時。忠賢益矯虔無忌。其黨徒日益進。于是僉都楊公璉。左公

光斗等交章訟言朝賢多和之者卽所引稱皆以公  
曩疏爲權輿忠賢以是益追恨公未幾楊公等並譴  
歸于是忠賢大樹威撾殺工郎萬公璟公時家居嘆  
曰是奴戮士矣旣手滑吾屬寧足復留種乎其明年  
春奸人工部主事曹欽程希忠賢旨誣奏公并及張  
公慎言等四御史並得旨褫職追賊亡何詔逮楊公  
等六人尋卽逮公當公未逮時語人云璫求首禍必  
及我我安逃死卽不然我必伏闕爲楊左諸公死爭

既聞緹騎將至○乃謬爲他之○入別太夫人○身自詣郡○  
聽宣詔已○夷然就檻車○時道路觀者數萬人○皆號慟○  
憤激○卽云此璫矯稱○不當奉詔○句句欲共掊殺使者○  
公大聲諭止之○乃稍稍散去○吳人旣蓄憤○其後一月○  
乃有周蓼洲吏部之事云○公至京下詔獄嚴訊承刑○  
甚毒○至肉節糜圻○抗辨益厲○奸人司讞者○無如之何○  
竟以意鍛賊五千餘金○獄上忠賢意未慊○矯旨再訊○  
承刑如前○又益賊七千金○掠比無虛日○一日下片紙○

付獄吏趣入黑室中夜半垂石其胸立斃時爲六年  
六月十七日其夜朝天宮灾先是公逮至之日都門  
地震初鞠之日王恭厥灾再鞠天大雨震天之應公  
如鼓桴然可異也公卒之明年

愍皇帝崩

今皇帝御極戮忠賢客氏并其黨誅竄有差遂以廷  
臣言贈公太僕卿大中大夫予祭塋祠祀又歸追贓  
金五百其又二年東奴入犯旁掠諸邑至遷安郭鞏

陰附虜○三投虜書○語皆調悖○事聞○  
上大怒○逮至論死○

子  
子  
子  
子  
子

子  
子  
子  
子  
子

太宰梁鳴泉公傳

公名夢龍字乾吉其別號則曰鳴泉先世山西蔚州人始祖名聚者自國初徙家真定良父聚子整往田間見蛇兔相握之逐之無有心異而識之聚卒整遂以地爲藏藏聚曰吾後世必有興者蛇兔告我矣自整傳三世而生公公始生時公父贈君怡菴公感異夢因名公夢龍公出胎便具英挺五歲能咏詩在怡菴公抱中輒請得卽日就師學怡菴公給之云今破



日不佳耳。公應聲曰：以破吾愚，豈不佳！怡菴公大驚，喜每語人。吾斯知項託黃童，非俊物也。年十五試有司，第一補弟子員。二十五鄉薦，明年成進士，是爲嘉靖癸丑。尋試宏詞，高等。改翰林院庶吉士。三年出爲兵科給事中。公文譽峭崿，當留編脩國史，會其時同舍郎晁君東吳病，不樂去金門。然故事無並留者，公遜謝乃出。旣入諫垣，則慷慨言事，無避忌，効先後兩家宰李公、吳公，行私黨權。時論壯之。久之，擢爲吏科。